

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. IV. De fructu qui ex consideratione æternitatis percipitur.

[urn:nbn:de:hbz:466:1-46817](#)

tum conuiuum per partes & successiuè adferre potest tempore infinito, colligeretur in vnum, & tota simul aeterno tempore tribueretur, esset infinito melior & maioris estimationis. Simili modo aeternitas in malis, nempe in peccatis, colligit illas quodam modo in vaum, & simul sentit facit. et si enim simul non existant, tamen facit simul apprehendi, & sic infinitum quemdam dolorem animo inurit.

CAP V T IV.

De fructu qui ex consideratione aeternitatis percipitur.

19 **Q**UADRUPLEX potissimum fructus nobis hinc colligendus. Primus est, Incomprehensibile quoddam gaudium benevolentiae & congratulationis in Deum, ex prædictorum persensione nascitur. Cum enim omnia ipsius bona, quae per se infinita sunt perfectionis intensiæ, etiam aeternitate intimè veluti imbuta cogitamus; consideramus in illis nouam quamdam infinitatem, eamque geminam. Vnde triplicem in illis contemplamur infinitatem: Primam, ratione perfectionis intensiæ: Secundam, ratione durationis infinitis tum retrò, tum in futurum saeculis: Tertiām, ratione collectiōnis in vnum; quia aeternitas totum commodum quod infinito tempore successiuè ex aliquo bono percipi potest, colligit in vnum. Hac ergo triplici ratione gaudendum nobis est, & congratulandum Deo nostro de quo quis ipsius bono, tum essentiali, tum personali. Gratulandum Patri, quod sit fons Divinitatis & processionum diuinorum, quod tales & tantum genuit Filium, quod imlēnsum spirauerit amorem: quod hos produxerit non à 100. vel 1000. annis, sed ex omni aeternitate: quod in omnem aeternitatem producat. Filio, quod tanti Patris sit Filius; quod omnium Patris honorum in solidum particeps; quod ynà cum Patre siēfons Spiritus sancti, quod hec bona habeat ex omni aeternitate in omnem aeternitatem; quod non successiuè, non partite, sed tota simul completissimè. Par ratione gratulandum Spiritui sancto. Denique simul gratulandum omnibus & singulis diuinis personis, quod bono fruantur infinito, quod eo fruantur ex omni aeternitate in omnem aeternitatem, quod totum gaudium simul percipient & sentiant, quod per totam aeternitatem successiuè sentiri posset.

Secun-

*Gaudium &
gratulatio.*

Secundus est, Maximum gaudium concupiscentiae, nimurum 21
 quo ex tanti boni certa & cito expectatione nascitur. Cum enim
 consideramus, totum illud bonum Dei æternum, nostrum esse,
 nobis promissum, & à nobis in æternum & totum simul possiden-
 dum, non possumus non maximo gaudi⁹ affici. Si enim dilectores
 mundi de istis infimis & momentaneis bonis ex inopinato oblatis,
 sœpè ita gaudent, vt vix se capiant; quantum nobis gaudendum de
 bonis summis, infinitis, & sempiternis, quorum suauitas tota simul
 percipietur? Et quamvis non fuerimus ab æterno, tamen possiden-
 tes Deum, fruemur in eo etiam aeternitate, quatenus infinitis retrò
 sagulis extitit, nepte nos retrosum & antrosum extendentes;
 sicut & tota immensitate fruemur, in immensum illud pelagus
 nos immergentes. Vnus enim spiritus erimus cum Deo. Sensum
 igitur & gustum habebimus diuinorum, sicut & ipse Deus habet,
 et si dispari gradu. Ibi possidebimus diuitias infinitas, non decem,
 centum, vel mille annis, sed infinitis saeculis; non sensim & suc-
 cessim comoda & oblectationem earum percipientes, vt sit in
 hoc mundo; sed affatim, accumulatim, & omnibus simul fruentes.

*Triplex esti-
matio in e-
o-
nis quibus
fruemur in
futura vita.*

Itaque triplicem habebunt estimationem, & tripliciter infinitam. 22
 Primo, ratione obiecti, seu bonorum ipsorum: secundo, ratione du-
 rationis æternæ in possidendo & fruendo: tertio, ratione collectio-
 nis in vnum; quia totum commodum quod æterno tempore ex il-
 lis percipi potest, simul collectum & cumulatum erit in vnum.

Tertius est, Maximus timor æternæ damnationis, quia in hac est 23
 infiniti & æterni illius boni iactura, & summi æternique tormenti
 perpessio. Nullum malum penale maius, grauius, acerbius animo
 concipi potest. Nulla enim iactura comparari potest cum iactura
 boni infiniti & æterni, quod in æternum erat possidendum. Nul-
 lum sensuum tormentum conferri potest cum tormento ignis in
 æternum duraturo. His accedit æternus carcer, æternæ tenebræ,
 æterna sitis, æternus vermis, æternus feitor, æternus horror, æter-
 nus luctus, æterna comploratio, & quidquid malorum cogitari
 potest, ibi erit, & æternum erit. Quis æternitatem in istis omnibus
 considerans non exhorrescat? Quis mundi vanitatem, diuitias, vo-
 luptates, honores ad momentum captare velit, cum tanto æterno-
 rum malorum periculo? Ponamus mala ista solū mille annos
 duratura; nihilominus ingens esset fatuitas, pro momentaneis &
 infimis rebus, pro modica & brevi voluptate, periculo tanti & tot
 annorum tormenti se exponere. Quantò ergo maior erit fatuitas,

si cen-

*Aeternitas
in panis.*

si centum millium annorum pœna foret? Quanta si centuplo diuturnior? & sic deinceps sine termino, quod productior statuetur pœna, maior quoque censetur fatuitas, eius periculo se oblicere. Cū ergo certissimum sit, pœnas istas omnes fore sempiternas, necesse est, infinita quadam amentia & fatuitate teneri eos, qui futurorum securi, quotidie peccata peccatis adiiciunt, & certissimo

Fatuitas
omnium ius-
simarum

²⁴ aeternæ damnationis periculo se exponunt. Nullam ego animo concipere possum maiorem fatuitatem, nullam perniciosorem insaniam, qua tamen illi sponte tenentur: quia si vellent parumper considerare quid sit aeternitas, facile ea liberarentur, & ad sanitatem redirent. Neque ad hoc opus est totius aeternitatis sublimis consideratio; sed dimidiata dumtaxat, quæ in futurum conditur, popularis & attenta cogitatio. Hæc enim aeternitas, eti dimidiata, tamen tanta est, ut nulla saeculorum multitudo quidquam ad illam sit aliud quam momentum. Constitue montem arenarum qui impleat totum orbem, unde singulis saeculis una tollatur arenula, quot saeculorum myriadibus opus erit ut totus absumentur? quis hoc numeret aut animo comprehendat? & tamen cum totus fuerit post innumera saecula consumptus, nihil detrahit aeternitati, sed solum erit initium, sicut ante. Denique post omnia saecula imaginabilia & comprehensibilia ab homine, vel ab Angelo, nihil ademptum erit aeternitati, sed semper erit initium. Hæc cogitatio quotidie nobis animo versanda; quia nulla ad omnes tentationes vincendas, ac pericula peccatorum cauenda potenter, nulla efficacior. Vnde monet Sapiens Ecclesiastici 7. *In omnibus operibus tuis memorare nouissima tua (aeternitatem pœnarum & premiorum) & in eternum non peccabis.* Tantum enim timorem homini incutit, ut omne peccatum mortiferum tamquam summum malum, utpote summi mali certissimam causam, summe detestetur ac fugiat.

²⁵ Quartus est, Contemptus huius mundi. Qui enim aeterna considerat, clare videat quā partii & nullius momenti sint omnia temporalia, si cum aeternis comparentur. Nam quidquid transit, hoc ipso quo desigit, perinde est ac si numquam ficerit. Fruatur quis omnibus mundi voluptatibus, omnibus honoribus, omni gloria, omni imperio plurimis annis: priuetur postea istis omnibus, nihil habebit ex omnibus commodi, nihil restabit illi nisi mœror, & tristis memoria se bonis istis omnibus orbatum esse, quæ eō erit acerbior, quod bona illa visa sunt illi dulciora. quod enim suauior est pos-

H sessio,

cessio, hoc amarior est amissio; ut vel ob hanc vnicam causam, et si alia non subesset, temporalia sint contemnenda. Quod vero æternum est, numquam amittitur, numquam amitti potest. Vnde est infinites melius & optabilius re temporali, et si aliam præ illa excellentiam non haberet. Accedit, quod temporalia non simul sua commoda adferant, sed sensim; priore enim commodo euangelente succedit aliud: bona æterna simul sua commoda præstant. Vnde & hac ratione temporalia ab æternis infinitè superantur.

C A P V T V.

Recollectio de Æternitate.

Psal. 89.

PRIVSQ VAM montes fierent, aut formaretur terra & orbis, à se-²⁶
culo usque in seculum tu es Deus. Tu enim principium & artifex
omnium; vnde & ante omnia. Non naturæ aliqua necessitate im-
pulsus hanc rerum vniuersitatem, hoc magnum palatum cum in-
colis & opibus suis effudiisti (sic ut sol lumen effundit) ut opus tuum
tibi coæternum esse possit: Ed liberrima voluntate, ut summus ar-
tifices, finxisti & ædificasti. Antiquior ergo es opere isto, quod nondum
sex annorum millibus constituit. Sed quorū obsecro, faculis an-
tiquior? neque illud omnino absurdè qualiter, quasi ante hunc
mundum saecula nulla fuerint, in quibus tu existeres, & bonis tuis
fruereris.

Etsi enim ante cœli & terræ conditionem, solis & lunæ conuer-²⁷
siones, quæ nos tres dies, menses & annos metiuntur, ex quib[us]
quantæ sint rerum nostrarum minutæ durationes, cognoscimus,
non fuerint; dubium tamen non est (nisi de vocibus contendere
velimus) quin durationes & spatia aliqua fuerint quasi dierum,
mensium, annorum, & saeculorum, sub quibus isti motus extendi
& transfigi potuissent; si tunc extitissent: sicut nec modò, absoluto
mundi huius curriculo, cessantibus cœlorum motibus, durationes
omnes & spatia temporum abolebuntur. Capiamus ergo retrò ante
conditum ordinem, centum millia saeculorum; iam tunc eras
Deus. Capiamus totidem saeculorum millions; iam ibi eras, æquè
magnus, æquè potens, æquè sapiens, æquè beatus. Denique sine fine
maiorem & maiorem saeculorum numerum retrorsum mens
concipiat; & inueniet te cum omnibus bonis & gaudiis tuis infinitis
saeculis adhuc priorem & antiquiorem.

Tu